



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

৫ আগস্ট ২০০৫

বন্যা ত্রাণে আমেরিকা দিল প্রায় সাড়ে ৪৩ লাখ টাকা

নয়াদিলি— প্রবল বর্ষণের দরকণ গুজরাত, মহারাষ্ট্র ও অন্যান্য রাজ্যের বন্যা কবলিত অঞ্চলে দুর্গত মানুষদের ত্রাণ ও পুনর্বাসনের জন্য মার্কিন দূতাবাস ৪৩ লাখ ৪০ হাজার টাকা (এক লাখ ডলার) সাহায্য দেওয়ার কথা আজ ঘোষণা করেছে।

প্রধানমন্ত্রী মনমোহন সিংকে লেখা এক চিঠিতে আজ মার্কিন দূতাবাসের চার্জ দি অ্যাফেয়ার্স রবার্ট ও'বেক মার্কিন সরকার ও সেই দেশের জনগণের তরফে ভারতে বন্যা দুর্গতদের উদ্দেশে আন্তরিক সমবেদনা প্রকাশ করেছেন।

মার্কিন সহায়তার একটি অংশ হিসাবে ৫০ হাজার ডলার দেওয়া হবে প্রধানমন্ত্রীর জাতীয় ত্রাণ তহবিলে। বাকি ৫০ হাজার ডলার দেওয়া হবে বিভিন্ন স্থানীয় এনজিও-কে যাতে সবচেয়ে ক্ষতিগ্রস্ত এলাকাগুলিতে ডায়েরিয়া প্রতিরোধে আরও ব্যাপক হারে ওআরএস বিতরণ করা যায়। বেক তাঁর চিঠিতে এও জানিয়েছেন, উপকারে আসে এমন অন্যান্য ক্ষেত্রেও ভারতকে সাহায্য করতে আমেরিকা প্রস্তুত।

এই সহায়তার অর্থ বরাদ্দ করা হয়েছে, মার্কিন রাষ্ট্রদূতের মানবিক ত্রাণ তহবিল থেকে এবং তা দেওয়া হচ্ছে আন্তর্জাতিক উন্নয়ন সংক্রান্ত মার্কিন সংস্থা (ইউএসএড)-এর বিদেশী দুর্যোগ সহায়তা সংক্রান্ত দণ্ডের মাধ্যমে।

বন্যা দুর্গত অঞ্চলগুলিতে ওআরএস এবং পানীয় জল পরিশোধক ‘সেফওয়াট’-এর প্যাকেট সরবরাহ করার জন্য বিভিন্ন শিল্প সংস্থা ও এনজিও-র সঙ্গে হাত মিলিয়েছে ইউএসএড।
